

POSTALGIA

Tin un blench'i nostalgia
ta tembla na flor di mi sintí;
mi ta krem, dirti, somentá
den barika biew
di mi tera....

Anochi a hala
port'i su cas sera,
ora un kajuko a sunchi pecho
di mi tera.
Den korona di flambew
un tribu ta herbe su rito
p'un spiritu soberano,
ku ta sconde
den ram'i watapana.
Sapatiá di mil pía
ta klaba-mondongo
di mi tera.

Metrajadó di bongo
ta garna baranka di piedra
y plama tur kriki
fo'i kwihi riba strea.
Bombardeo di lomb'i tambú
ta drama den mond'i kandela,
unda sombr'i wantomba
ta landa mané
oroplano di guera;
kunuku ta sklama sokoro
den djente kajente
di mi tera
su terror nokturno....

Lew, un juchi a grita jora
den hamaka di mi ajera,
kortando e kadena
di mi tera
su rosea....

Henry Habibe.